

## Early Childhood Connector | Caij Nplooj Ntoos Hlav 2024

*Koj tsab ntawv xov xwm peb lub hlis twg ntawm kev saib xyuas me nyuam yaus thiab kev kawm thaum ntxov.*

### Muaj nyob rau hauv tsab ntawv xov xwm no

Early Childhood Connector   Caij Nplooj Ntoos Hlav 2024 .....	1
<b>Zoo siab txais tos rau Early Childhood Connector .....</b>	<b>2</b>
<b>Early Childhood Connector Calls .....</b>	<b>2</b>
<b>Cov peev txheej tshiab los txuas rau cov ntaub ntawv tso cai .....</b>	<b>3</b>
<b>Cov pas da dej, daim tso dej thiab lwm yam khoom ua si dej .....</b>	<b>4</b>
<b>Kev paub txog CMV pib ntawm no .....</b>	<b>4</b>
<b>Cov peev txheej rau tsev neeg, me nyuam yaus thiab cov kws muab kev pab cuam siab xyuas me nyuam ....</b>	<b>5</b>
<b>Muaj lus nug?.....</b>	<b>5</b>
<b>Puas muaj kev tawm tswv yim? .....</b>	<b>5</b>

## Zoo siab txais tos rau Early Childhood Connector

Ua tsaug rau koj rau npe rau tsab ntawv xov xwm ntawm Early Childhood Connector! Minnesota Children's Cabinet thiab Departments of Education, Health thiab Human Services tau tsim tsab ntawv xov xwm no los txhawb kev sib txuas lus rau cov kws muab kev pab cuam thiab xyuas me nyuam thiab cov kws qhia ntawv ntxov hauv Minnesota. Cov kws muab kev pab cuam thiab cov kws qhia ntawv ntxov tuaj yeem cia siab tias yuav muaj tsab ntawv xov xwm peb lub hlis twg thiab qee qhov kev hloov tshiab hauv email ntxiv. Thov ua daim ntawv soj ntsuam ntawm tus kab txuas hauv qab ntawm tsab ntawv xov xwm no qhia rau peb paub seb koj xav li cas ntawm cov ntsiab lus thiab peb tuaj yeem txhim kho peb qhov kev sib txuas lus tau li cas.

## Early Childhood Connector Calls

Lub xeev yuav yog tus tswv tau tuav Connector Calls nrog cov kws muab kev pab cuam thiab cov kws qhia ntawv thaum ntxov los teb cov lus nug ntsig txog kev cai lij choj, ntawv tso cai, cov khoos kas, pob nyiaj pab thiab lwm yam. Lub hom phiaj ntawm kev hu xov tooj yog los teb cov lus nug kom meej uas tej zaum cov kws muab kev pab cuam muaj. Kev hu xov tooj tuav lub rooj sib tham oos lais ntawm WebEx, [kaw cia thiab muaj nyob rau ntawm lub vev xaib Early Childhood Connector.](#)

Cov kws qhia ntawv txhua hom raug caw tuaj koom cov kev hu sib tham no. Peb zoo siab txais tos mloog cov lus nug ntawm lub khoos kas uas muaj ntawv tso cai, cov chaw uas tau txais kev lees paub, cov khoos kas uas zam, cov kws muab kev pab cuam uas tsis muaj ntawv tso cai, Tsev Neeg, Cov phooj ywg thiab cov neeg nyob ze thiab cov neeg uas muaj siab xav pib ua lag luam saib xyuas me nyuam.

### Kev koom nrog peb hauv lub rooj sib tham ntawm Early Childhood Connector Kev Hu Xov Tooj tom ntej

- **Hnub hu tom ntej:** Hnub Tuesday, Lub Xya Hli Ntuj Tim 16, 2024, 7-8 teev tsaus ntuj
- **Qhov twg:** Lub rooj sib tham saum huab cua ntawm WebEx
- **Tus kab txuas lub rooj sib tham:**  
<https://minnesota.webex.com/minnesota/j.php?MTID=m1a73d1de890a96661896f516c52e1e29>
- **Lub hom phiaj:** Txhawm rau lub xeev los teb cov lus nug kom meej rau cov kws saib xyuas me nyuam thiab cov kws qhia ntawv thaum ntxov. Lub xeev yuav tsis daws qhov kev khuam siab ntawm tib neeg thaum lub sij hawm no.
- Thov [xa koj cov lus nug ntawm no](#). Yuav tsum xa cov lus nug ua ntej qhov xwm txheej; peb yuav tsis teb cov lus nug kiag tam sim ntawv. Peb yuav siv zog ua kom zoo tshaj plaws txhawm los teb txhua cov lus nug raws li lub sij hawm teev tseg. Thov xa koj cov lus nug li ob lub lim tiam ua ntej kev hu xov tooj.

Thov kaw hnub thiab tus kab txuas kev sib tham cia rau hauv koj daim ntawv qhia hnub; lub xeev yuav tsis xa daim ntawv caw tuaj koom. Kev hu xov tooj yuav raug kaw cia thiab npaj muab kev pab cuam qee ntus rau cov neeg uas tsis tuaj yeem los koom tau.

[Kawm paub ntxiv txog Early Childhood Connector Calls, suav nrog cov hnub uas yuav los txog thiab xa koj cov lus nug ntawm no.](#) Peb cia siab tias yuav tau ntsib koj ntawm kev hu xov tooj tom ntej!

## Cov peev txheej tshiab los txhawb early childhood workforce

[Minnesota's Early Childhood Workforce: Making a Difference in the Early Years](#) yog cov ntaub ntawv uas tsim los txhawb nqa kev saib xyuas me nyuam thiab kev kawm thaum ntxov. Suav nrog txoj hauv kev ua hauj lwm, lub hwv tsam hauv kev txhim kho txoj hauj lwm, cov kev kawm qib siab, cov peev txheej nyiaj txiag, cov dab neeg thiab cov lus hais los ntawm cov kws tshaj lij thiab lwm yam. Lub khoos kas no tau tsim los ntawm Minnesota's Preschool Development Grant, hauv kev koom tes nrog Departments of Education, Human Services, Health and the Children's Cabinet.

Muaj kev tsim vis dis aus uas cuam txhuam txog plaub yam thiab. Nyem rau tus kab txuas hauv qab no txhawm los mloog cov kws tshaj lij fab me nyuam thaum yau thoob plaws Minnesota thaum lawv qhia txog yam txhawb siab rau lawv ua hauj lwm nrog cov me nyuam yaus thiab tsev neeg, vim li cas lawv thiaj xav tias cov neeg ua hauj lwm tseem ceeb, vim li cas lawv thiaj nyiam lawv txoj hauj lwm thiab lwm yam. Muaj cov lus piav qhia ua lus Askiv thiab lus Mev rau cov vis dis aus tag nrho.

- [Dab Neeg ntawm Qho Chaw: Tus Muab Kev Pab Cuam Haiv Neeg Qhab thiab Tus Kws Pab Tswv Yim Txog Kev Noj Qab Haus Huv Ntawm Kev Puas Siab Puas Thaum Yau](#)
- [Dab Neeg ntawm Qho Chaw: Tus Xib Fwb Qhia Tshwj Xeeb Thaum Yau thiab Xib Fwb Qhia Ntawv Thaum Ntxov](#)
- [Dab Neeg ntawm Qho Chaw: Tus Kws Muab Kev Pab Cuam Saib Xyuas Tus Me Nyuam Li Ib Tsev Neeg](#)
- [Dab Neeg ntawm Qho Chaw: Tus Xib Fwb Saib Xyuas Me Nyuam Hauv Lub Chaw thiab Tus Kws Qhia Txog Niam Txiv](#)

Tsis tas li ntawd, cov ntawv txhais lus ntawm Txoj Kev Paub thiab Kev Muaj Peev Xwm ntawm Minnesota's rau Cov Kws Tshaj Lij Fab Me Nyuam Thaum Yau thiab Companion Guides uas muaj feem cuam tshuam **muaj txhij rau rub tawm ua lus Hmoob, Lus Mev, Lus Somali thiab Lus Nyab Laj**. Txoj Kev Paub thiab Kev Muaj peev Xwm piav qhia txog yam uas cov kws tshaj lij thaum yau uas ua hauj lwm nrog cov me nyuam yaus yuav tsum paub thiab ua tau. Muaj ntau yam Versions kom xaiv rau cov neeg ua hauj lwm nrog cov me nyuam mos thiab cov me nyuam thum yau hauv lub khoos kas qhov chaw thiab tsev kawm. Mus saib [lub vev xaib Txoj Kev Paub thiab Kev Muaj Peev Xwm \(Knowledge and Competency Framework\)](#) thiab nqes mus rau hauv qab ntawm nplooj ntawv txhawm mus saib tus kab txuas rub tawm.

## Cov peev txheej tshiab los txuas rau cov ntaub ntawv tso cai

Kev coj thiab nkag siab qhov sib txawv ntawm lub khoos kas saib xyuas me nyuam uas muaj ntawv tso cai tej zaum yog qhov nyuaj. Txoj cai uas siv rau cov chaw uas muaj ntawv tso cai yuav tsis siv rau cov khoos kas saib xyuas me nyuam li tsev neeg thiab yuav nyuaj rau kev nkag siab txog qhov sib txawv ntawm cov chaw uas tau txais kev lees txais thiab cov chaw uas tau txais ntawv tso cai.

Hauv kev siv zog los pab cov kws muab kev pab cuam nrhiav cov ntaub ntawv uas raug cuam tshuam txog lawv lub khoos, Feem Hauj Lwm Ua Daim Ntawv Tso Cai tau tsim cov peev txheej tshiab rau lub khoos kas uas tau

txais kev lees paub thiab cov chaw uas muaj ntawv tso cai thiab cov khoos kas siab xyuas me nyuam hauv tsev neeg. Daim [duab qhia tshiab](#) muab cov vev xaib, cov ntaub ntawv tiv tauj, lub npe email thiab lem yam uas tau muab faib ua hom ntawv tso cai ntawm lub khoos kas.

Cov kws muab kev pab cuam muaj lub luag hauj lwm tseem ceeb hauv kev txhim kho cov kev paub dhau los thiab kev noj qab haus huv ntawm cov me nyuam yaus thoob plaws hauv Minnesota. Lub xeev lees paub txog cov teeb meem uas nyuaj thiab kev lav ris uas cov kws muab kev pab cuam yuav ntsib txhua hnuv, suav nrog kev taw qhia ntau hom ntawv tso cai thiab cov ntaub ntawv ntau hom. Peb cia siab tias daim duab qhia yuav pab txuas cov kws muab kev pab cuam rau cov peev txheej uas raug.

## Cov pas da dej, daim tso dej thiab lwm yam khoom ua si dej

Lub caij nplooj ntoos hlav yuav tag lawm thiab lub caij ntuj sov tab tom los yuav txog. Tus ua cov ntawv tso cai saib xyuas me nyuam nyiam lus nug: Kuv puas tuaj yeem siv lub pas da dej, daim tso dej los sis lwm yam khoom ua si dej hauv lub khoos kas saib xyuas me nyuam thiab kuv puas tsim nyog kom niam txiv/tus neeg saib xyuas kos npe rau daim ntawv tso cai uas tsim los rau cov pas da dej?

Txoj Cai Lij Choj ntawm MN, ntu 144.1222 sau tseg kom lub pas da dej los ua lub pas ua luam dej hauv qhov chaw nyob, tsis yog lub pas dej pej xeem raws lub hom phiaj ntawm cov kev cai hauv pas dej pej xeem, tsuav yog lub pas da dej ua si uas nqa tau muaj qhov tob tshaj plaws yog 24 inches thiab tuaj yeem hliv dej thiab txav mus los tau. Muaj ntau yam khoom tshiab nyob rau hauv kiab khw uas tej zaum yuav tsis hu ua "pas da dej" tab sis yuav ua tau raws li lub ntsiab lus ntawm lub pas da dej vim tuaj yeem kaw dej tau siab txog 24 inches thiab tuaj yeem hliv dej tawm tau ntawm tus kheej. Uas suav nrog daim tso dej uas muaj qhov khaws cov dej. Hauv qhov xwm txheej no, peb vam tias cov niam txiv tau txais daim ntawv ceeb toom MDH thiab kos npe rau daim ntawv tso cai raws li xav tau hauv txoj cai lij choj MN, ntu 245A.14 me. 10. Thaum paub tias cov khoom muaj kev hloov pauv tas li, yog tias koj muaj lus nug tias seb koj cov khoom puas yuav haum raws li cov ntsiab lus saum toj no, thov hu rau koj tus neeg tso cai.

Yog tias tus kws muab kev pab cuam kev xaiv uas yuav siv dej hauv lwm txoj hauv kev xws li lub thoob dej rau kev ntxuav lub tsheb los sis lub rooj dej, cov khoom no feem ntau lawm yuav tsis nyob hauv lub ntsiab lus ntawm lub pas da dej. Txawm tias lawv rau dej tau me-me, tab sis tsis yog cov khoom uas yuav cia tus me nyuam zaum los sis ua luam dej tau. Cov kws muab kev pab cuam vam tias yuav siv kev saib xyuas uas tsim nyog thaum siv cov khoom siv los sis cov khoom uas xav tau kev saib xyuas los ntawm cov neeg laus.

## Kev paub txog CMV pib ntawm no

Cytomegalovirus (CMV) yog ib hom kab mob sib kis. Cov neeg ua hauj lwm hauv kev saib xyuas me nyuam yaus muaj kev pheej hmoo siab uas yuav kis tus kab mob CMV vim tias tus kab mob no feem ntau tshwm sim hauv cov me nyuam me thiab cov me nyuam yaus uas tuaj koom kev saib xyuas me nyuam.

Txhua tus neeg tuaj yeem kis CMV tau thiab feem ntau nws yauv tsis muaj cov tsos mob tshwm sim rau cov neeg uas muaj kev noj qab haus huv zoo, tab sis kuj muaj kev pheej hmoo rau cov poj niam cev xeeb tub uas tsis paub txog kev kis CMV mus rau tus me nyuam mo uas tab tom loj hlob yam tsis paub. Thaum tus me nyuam mo yug

los nrog CMV, tus kab mob no hu ua CMV thaum yus los. Ib tug me nyuam mo ntawm 5 tus uas muaj tus kab mob CMV thaum yug los los sis muaj kev txhawj xeeb txog kev noj qab haus huv los sis kev xiam oob qhab mus ib txhis. Xyoo 2023, Minnesota tau dhau los ua thawj lub xeev los kuaj txhua tus me nyuam mos txhawm los nrhiav CMV thaum yus los uas yog ib feem ntawm lub khoos kas kev kuaj me nyuam mos.

Samantha, tus kws muab kev pab cuam saib xyuas me nyuam hauv tsev neeg uas muaj ntawv tso cai hauv Minnesota thiab muaj kev paub dhau los ntau tshaj kaum xyoos, tsis tau hnov txog CMV uas muaj thaum yug los ua ntej mus txog thaum nws tus ntxhais tau kuaj pom los ntawm kev kuaj me nyuam mos.

"Kuv ntseeg tiag-tiag tias [cov neeg saib xyuas me nyuam] yuav tsum paub txog cov teeb meem uas tuaj yeem tshwm sim nrog tus kab mob no thiab qhov hnyav ntawm tus kab mob no - tsis yog tam sim no nkaus xwb tab sis yog xyoo tom ntej mus! Tus me nyuam yuav tsis pom cov tsos mob thaum yug los, tab sis lawv tuaj yeem txhim kho [cov tsos mob] tom qab tau thiab saib xyuas lawv thaum ntxov yuav pab kom muaj peev xwm mus kho tau thaum ntxov," Samantha tau hais.

CMV kis tau los ntawm ib tus neeg mus rau lwm tus los ntawm kev sib raug zoo ncaj qha nrog cov kua hauv lub cev, xws li zis thiab qaub ncaug. Cov me nyuam yaus tuaj yeem kis tus kab mob mus rau lwm tus, suav nrog cov niam txiv thiab cov neeg saib xyuas, txawm tias lawv yuav zoo li tsis mob los xij. Cov me nyuam uas muaj CMV thum yug los yuav tsum tsis txhob cais tawm ntawm kev saib xyuas me nyuam. Cov kws muab kev pab cuam yuav tsum siv txoj cai los tiv thaiv kev kis tus kab mob los ntawm kev ntxuav tes ntau zaus, tshwj xeeb tshaj yog tom qab so qhov ntswg los sis qhov ncauj thiab hloov cov pawm thiab tshuaj tua kab mob cov khoom ua si thiab lwm qhov chaw uas yuav muaj me nyuam yaus tso zis los sis tus me nyuam cov qaub ncaug. Cov kws muab kev pab cuam yuav tsum txhawb nqa cov tsev neeg ntawm cov me nyuam yaus uas muaj CMV thaum yug los.

Nyeem cov ntaub ntawv tseeb tiag [CMV thiab Minnesota Department of Health rau cov kws muab kev pab cuam saib xyuas me nyuam](#) kom paub ntau ntxiv.

## Cov peev txheej rau tsev neeg, me nyuam yaus thiab cov kws muab kev pab cuam saib xyuas me nyuam

- [Cov peev txheej ntxiv rau tsev neeg, cov kws muab kev pab cuam thiab cov zej zog](#)
- [Pab Kuv Txuas](#)
- [Lub Chaw Ua Hauj Lwm ntawm Kev Txiv Txim Muab Kev Ncaj Ncees rau Cov Kws Muab Kev Pab Cuam Hauv Tsev Neeg \(Office of the Ombuds for Family Child Care Providers\)](#)

## Muaj lus nug?

Xa email mus rau [ccs.communications.DHS@state.mn.us](mailto:ccs.communications.DHS@state.mn.us) yog muaj lus nug.

## Puas muaj kev tawm tswv yim?

Qhia rau peb paub koj cov kev xav ntawm tsab ntawv xov xwm no [los ntawm kev ua daim ntawv tshawb fawb luv-luv](#). Koj cov lus teb yuav lub xeev txhim kho kev sib txuas lus nrog cov kws muab kev pab cuam saib xyuas me nyuam thiab cov kws qhia ntawv thaum ntxov.

